

ները չգիտենք, վոչինչ չգիտենք հատկապես Մկրտիմ մասին, վոր կենդանի պիտի լիներ դեռ ևս 1222 թվին՝ Պապաք հիշուում է հոր հետ Ոկթ=1220 թվին՝ Գեղարքունյաց Ղարանլուկ գյուղի մոտ Գազան Լոռեցու կանգնած խաչքարի արձանագրության մեջ վորպես իշխանակից, «ի յիշխանութիւնն Վասակայ եւ որդոյ իւրոյ Բարաքին . . . »*։ Պապաքն անձամբ ևս նուերարեքության նույնիմաստ յերկու արձանագրություն ունի թողած Վեդիի վերին ակունքներում Ջղինգյուղի շրջանի Աղբիլիսա թուրքաբնակ գյուղի յեկեղեցու վրայ, տալով «մին եզն», «մին շինական», Գոմին մարգն ու ծրղուտը և ստանալով չորս ժամ յուր հոր Վասակի համար (Հավել. Ա. 11)։

Կաթողիկեի հարավային պատի արձանագրությունը մեզ տալիս է ավելի կարևոր տեղեկություններ Վասակի, նորա յեղբայրների, վորդիների և կնոջ մասին. «եւ ամատուրք եղբարքն իմ զինակիցք Ջաջուռն եւ Գրիգոր եւ սիրելի որդիք իմ հարապատք Պապաքն, Մքղէմ եւ Հասան, երկանուն Պառւշ, տէրամբ պահպանեալ եղիցին այժմ եւ յաւիտեանս ամէն»։ Յերկորդ գլխի մեջ (եջ. 32. 33) տեսանք Ջաջուռ Սաղրակյանի և Վասակի արձանագրությունները. սորանով հաստատվում է այս Վասակի ծագումը Հավապուկի կամ Գեռաքարի Սաղրակյաններից, և հարազատ յեղբայրությունը Ջաջուռ Բ. Սաղրակյանի հետ, և ապա Ջաջուռի և Գրիգորի զինակցությունը իրենց ավագ յեղբոր՝ նորա պատերազմական գործողությունների մեջ, հավանորեն Բջնի, Քեղվա և Վայոց ձորերի նվաճման ժամանակ։

Ջաջուռի վորդի Գրիգորը Վաճառքում թողած յուր արձանագրության մեջ հորն անվանում է «քաջ զաւրական» (եջ. 33). Ջաջուռը Սաչենում զինվորական գործողությունների մասնակցելու առիթ չունի. Սաչենն ազատ եր Սոխանաբերդի և Հաթերքի իշխանների ղեկավարությամբ Ջաքարյանների հանդես գալու ժամանակ. Գանձակի պատերազմին Սաղրակյաններից մասնակցում էին Գրիգորն ու Վասակի վորդի Պապաքը. մնում է յենթադրել, վոր նա «քաջ զաւրական» անուն պիտի ստացած լիներ Վասակ Սաղրակյանի մղած պատերազմների մեջ։ Ավելի հաստատուն կերպով այդ բանը պնդել կարելի չի Գրիգորի մասին, վորի համար և ստացավ Քեղվա ձորը, գուցե, և բերդը, Աղջոց Ս. Ստեփանոսի և Վանստան վանքերով, վորոնք Սաղրակյան նոր իշխանության մասն էին կազմում (եջ. 51). այդ իրողությունը հասկանալի չի դառնում արձանագրությանս տված ցուցումներով։ Սաղրակյան նոր իշխանության հաստատությունից հետո՝ Ջաջուռին է թողնվում նրանց «բնական» հայրենիքը Սաչենում, ինչպես տեսանք Ջաջուռի և նրա վորդու Գրիգորի արձանագրություններից, (եջ. 32 - 33), մինչ դեռ մյուս յեղբայրներն այնտեղ այլ ևս յիշատակ չունին. Վասակի վորդու Պոռչ մեծ իշխանի արձանագրությունը Կոշիկ անապատում ցույց է տալիս միայն տոհմի ան-

դամների ավանդական կապերը, առանց կողմնապետական Սաղրակյանների տիրապետության վոր և է նշանի Սաչենում*։ Խնդիրն ավելի պարզում է Ջաջուռի դուստրը Վանենու յիշատակարանը, Հավապուկը «բնական տուն և շիրիմ Ջաջուռ իշխանի նախնեաց իւրոյ» անվանելով (Հավել. Բ. 3.). Ջաջուռ վախճանված եր արդեն 1232 թվին, յերբ զրվեցավ այդ հիշատակարանը. նորանից առաջ՝ հոր կենդանության ժամանակ՝ 1224 թ. վախճանված էին Սնպատ և Հասան վորդիքը. Ջաջուռի մյուս վորդին Գրիգորը, հավանորեն և հաջորդը, կալվածական նվիրատվություն ունի Վաճառքի սուրբ Ստեփանոս նահատակին, վոր շինված եր 1229 թվին Սաչենոյ տեր՝ Հասան - Ջալալի ձեռքով։ Սաչենի Սաղրակյանները այս արձանագրության հիման վերապետք է ստորագրված լինելին Սոխանաբերդի կամ ներքին Սաչենի մեծ իշխաններին (եջ. 33)։

Ջաջուռի դուստրն եր Վանենի, վորի անունը քանիցս հիշատակվեցավ այս և նախնեաց գլուխների մեջ. այս իշխանուհին անմահացել է հայ գրչության արվեստի պատմության մեջ յուր յերկու մեծագիր, յերկաթագիր և նկարազարդ նշանավոր ավետարաններով. դոցանից մեկը զրված է ՈՀԳ (= 1224) թվին և նվիրել է Սոքանաշատու հիմնադիր Վանական վարդապետին սկզբնական հիշատակարանից տեղեկանում ենք (Հավել. Բ. 4), թե նա կնություն եր յեկած «Կուկին որդոյ Աբասայ Սեւադեանց իշխանաժեանց», իսկ մյուս ավետարանը զրված է 1232 թվին Գեռակա վանքում։ Սևադյանց տոհմի մասին տարաբաղդաբար տեղեկություններ չունինք, բայց այն հանգամանքը, վոր իշխանուհու ավետարաններից մեկը նվիրված է Սոքանաշատի վանքին, իսկ մյուսը զրված է Կայենո Գեռակա վանքում, կուվան կարող է լինել յենթադրելու, թե Սևադյանք կալվածներ ունեին Մահկանաբերդի կամ Իվանեի իշխանության մաս կազմող Կայենո զավառի

* Արցախ. Բարխուդարեան. Բագու. 1895. 169.

Սույն տողերն արդեն տպագրության էին հանձնված, յերբ Սաչիկ ծ. վարդապետից իմացանք, վոր նա հավաքած ունի Կոշիկ անապատի բոլոր արձանագրությունները. աչքի անցնելով նրա տետրակը, հանդիպեցանք մի այսպիսի արձանագրության.

Այս է հանգիստ իշխան Սէրխանին որդոյ Հասանին թողին Բաղաց թագաւորի թվին 216 (= 1286)։

Այստեղ հիշված Հասանը նույն պիտի լինի Գեռաքարեցի Հասան իշխանի հետ, վոր փեսայացավ Բաղաց վերջին Գրիգոր թագավորին, կնություն առնելով նորա դուստր Կատային։ Այսպիսով հաստատված կարելի է համարել, վոր Կոշիկ անապատն եր Սաղրակյանների բնագավառի մասն եր կազմում, ինչպես յենթադրել ենք առանց այս արձանագրության (տ. եջ. 32 և 34)։ Այս դեպքում Սէրխանին պետք է ընդունել սովորականից ավելի յերկարակյաց։ Մեծարանց վանքի արձանագրությունները Սաչիկ ծ. վարդապետը հրատարակել է Կ. Բասմաճյանի «Բանասէր»-ի մեջ, 1901. Փարիզ։

* Աղգ. Հանդես. XVIII. № 2. 1908. էր. 152.